



BIBLIOTHECA
UNIV. JAGIELL.
CRACOVENSIS

kat.komp.

39168

May. St. Dr. P

Feot. 2902.

Gregorovic Sigismundi: Quaestio theolo-
gica de sacramentis in communi.

Biblioteka Jagiellońska



stdr0002458

QVÆSTIO THEOLOGICA

De Sacramentis in Communi

*Ex Tertia Parte Summæ Dni Thomæ Aquinatis
desumpta.*

Q V A M.

Præsidente Admodum Reuerendo Dño

M. MATTHIA BLOSIO

*S. Th. Doctore & Professore, eiusdem Sacræ
Facultatis, ac Ecclesiæ S. Floriani Decano.
obseruandissimo Præceptore.*

M. SIGISMUNDVS GREGEROWIC

*S. Theol. Baccalaureus, & Professor, ad S. Flo-
rianum Canonicus publicè ad disputandum
in Alma Academia Crac. Regni Pol.
Schola Generali.*

*Permissu Sacræ & Augustæ Facult : Theol : propt.
Lectorio DD. Theol : Mense Febuario. Die 20 Hora 14
Anno Dñi, 1642.*

121.

CRACOVIAE,

EX OFFICINA CHRISTOPHORI SCHEDELII.

Ad NAVIM ILLVSTRISSIMAM.



Innumeris grauior cymbis ratibusq̃, carina
Quo tendis magnis mercibus eximia?
Cœlestes venti per quæ Te compita flectunt?
Vt PATRIAE vt Templis grandia dona feram.

C R A C O V I A

Illustrissimo & Reuerendissimo Principi,

**D. I A C O B O
Z A D Z I K,**

**Dei & Apostolicæ Sedis Gratia Epi-
scopo Cracouiensi, Duci Seueriæ,**

*Acad. Cracou: Cancellario Optatissimo, Dño &
Patrono suo Clementiss.*

Omnem felicitatem & beatitudinem precatur.

IN Sinum Celsitudinis Tue amplissimum. Questio de Sa-
cramentis ultro descendit Princeps Illustriss. : tutū &
neceſſarium omninò existimās sub magni Sacerdotis &
Sacrorum Antistitis patrociniò quiescere. Alienus multarum
sectarum hac in materia quæ ad discutiendum proponitur sensus,
non citius vitam sensumq; amitter, quàm Celsitud. Tue expugna-
tus praedijs, deterritus protectione fortissima Sed & nos qui in
Academia nauigamus rate, non aliud intueri in calo Polonico Sy-
dus debem⁹, præter Te Præsul Amplissime si portu gaudere optato
nō naufragio perire insperato prætendimus. Cynosura nauigatio-
nis nostræ Tu es; cuius felicissimus ortus, artus nostros laborib⁹
assiduis fractos, ad Spartæ suæ ornandam dignitatem solatur &
firmat. Dabis igitur Illustriss. Princeps benignum oculū & ani-
mum arcanis hisce, quia veritatem inuictā Ecclesiæ & pondus re-
rū nullis arietibus impietatis ē sua statione mouendū ad Tuæ pie-
tatis & officij defensionem scis pertinere. Ne faces firmamenti cu-
riosus magis quàm prudens numerare videar, laudes Tuas non

numero: ad quas si vniverſi orbis Oratores enarrādas conſpirēt,
 vel muti vel non prodignitate Celſ. Tuae futuri eloquentēs. Gau-
 det Reſſub. Polona tanto Senatore, cuius dicta & facta, robur
 & valetudo Patriæ ſunt, qui ſolis ad inſtar omnes Regni partes
 virtutis & concocta Sapiētiae luce attingis & illuminas. Gaudet
 Eccleſia tanto Pontifice cui pietas ipſa & ſanctitas anima rerū
 ſunt, qui Episcopalis vigilantiae & contentionis miraculum Es,
 Seræ etiam poſteritati admirandum. Gaudet Academia Cancellario
 in quo omnes Benefactores ſuos & Illuſtr. illa Reipub. lumi-
 na bene in Academiæ vel potiùs ipſius Patriæ integritatem incli-
 nata clauſa & comprehenſa videt, omnes illos (non adulationis ſed
 veritatis hæ pagina ſunt) liberalitate, magnificētia, prudentia,
 clementia, vigili cura, adæquaſti vel certè eminentius exceſſiſti,
 vtinam diutiſſimè tam excelfo & nos, & poſteritas noſtra quæ
 ſub Cancellariatus Tui feliciffimis auſpicijs cum ſtupore in omni
 pietatis & eruditionis gloria aſurgit fruamur bono. Non inania
 reddet deſideria noſtra Academiæ gēma vineæ Iagellonis pulcher-
 rimus Botrus Diuus Ioannes Cantius, quem Tu Regio ſumptu &
 vix audita vnquam liberalitate dotando ditaviſti, vt tam ingens
 Lumen nō ſub modio, ſed in anguſtiſſimis Eccleſiæ Candelabris po-
 ſitum luceret. Pro tot tantiſq; beneficijs mille Tibi impetret vitas,
 mille ſolatia, vt ita quem beneficio Tuo clariùs viuere voluiſti, e-
 iuſdem beneficio viuas & valeas, Eccleſiæ, Reipublicæ, Academiæ,
 Tuorum Clientum vltro ad Te venientium ſpem implendo.
 E Collegio Maiori Acad. Crac. xv. Calend. Martij. Anni 1642.

Illuſtriſſimæ Celſ. Tuae

humillimus Clienſ

M. Sigismundus Gregerowic

S. Theol: Baccal: ac Profeſſor

Eccleſiæ Collegiatae S. Floriani

ad Crac. Canoniciſ.

Q V Æ S T I O.

De Sacramentis in Com.
muni.

V Sacramenta Nouæ Legis à Christo Domino quatenus Deus & homo in rebus & verbis determinatis certo numero instituta, per legitimum Ministrum rectam intentionem habentem administranda, ad causandam in suscipientibus gratiam, & characterem ordinata; omnia ad salutem hominum spiritualem & vitæ æternæ consecutionem sint simpliciter necessaria nec ne?

C O N C L U S I O I.

Christus Dominus quatenus Deus & homo Sacramentorum legis nouæ institutor est.

COROLLARIA.

1. *Ad institutionem Sacramentorum legis novæ Christus Dominus quatenus homo delegata seu transfusa in humanitatem autoritate concurrebat.*
2. *Sacramentorum legis veteris institutio in Deum est referenda.*
3. *A nullo homine puro authoritatiuè Sacramenta poterant institui.*
4. *Christus Dominus potestatem excellentiæ circa Sacramenta potuit Apostolis communicare.*
5. *Circa Sacramenta Legis Novæ Christus Dominus quatenus homo, longè excellentiori modo se habuit quàm Moyses circa vetera.*
6. *Aliquorum Sacramentorum instituendorum facultatem à Christo Domino Apostolis fuisse concessam, asserere, est erroneum.*

CONCLUSIO II.

Sacramenta Legis Novæ in rebus & verbis determinatis, sunt instituta.

COROLLARIA.

1. *Res & verba in quibus instituta sunt à Christo Domino Sacramenta non possunt mutari.*

2. *Nil vetat in Sacramenti administratione rebus pro verbis aliquando uti.*
3. *Determinatio in verbis Sacramenti debet esse completa & maxima.*
4. *Mutatio in verbis manente sensu eodem, non impedit Sacramenti confectionem.*
5. *Sacramenta convenientissimè per sensibile signum definiuntur.*
6. *Sacramentū Legis Nouæ est res artificiata.*

C O N C L U S I O III.

AD Cuiusvis Sacramenti administratio-
nem Legitimus Minister habens rectam inten-
tionem, requiritur.

C O R O L L A R I A.

1. *Ex Creaturis rationabilibus solus homo est sufficiens administrator Sacramentorum.*
2. *Ex parte ministri requiritur intentio faciendi quod à Christo edocta facit Ecclesia.*
3. *Licet intentio actualis non sit simpliciter necessaria, non tamen habitualis sufficit ad Sacramentum rectè & legitimè consiciendum.*
4. *Ministri malitia non impedit effectum Sacramenti licet peccet in consiciendo Sacramento.*

5. *Administratio Sacramenti per Ministrum Apostatam habentem rectam intentionem Sacramenti veritatem non impedit neq; tollit.*
6. *Excepto Baptismo; ad alia Sacramenta requiritur Minister deputatus & legitimè ordinatus.*

C O N C L U S I O IV.

Sacramenta Nouæ Legis sunt ordinata ad causandam gratiam, & Characterem.

C O R O L L A R I A.

1. *Gratia in Sacramentis Legis Nouæ, est eeu in instrumentis virtutem ex Passione Domini nostri habentibus.*
2. *Sacramenta Legis Nouæ ad causandam gratiam etiam effectiue, & Physicè concurrunt.*
3. *Sacramenta Legis Nouæ sunt longè præstantiora Sacramentis legis veteris.*
4. *Ad Legitimam Sacramentorum administrationem in suscipiente obicem non ponente, infallibiliter sequitur effectus.*
5. *Non est necesse per quoduis Sacramentum imprimi Characterem.*
Soli homines bene dispositi sunt capaces gratiæ Sacramentalis.

CONCLUSIO V.

Sacramenta Legis Nouæ sunt numero Septem à Christo Domino instituta.

COROLLARIA.

1. *Conuenientissimè Sacramenta Nouæ Legis numero Septenario sunt definita.*
2. *Hæresis est, asserere pauciora vel plura quàm Septem Legis Nouæ Sacramenta.*
3. *Non fuit necesse omnium Sacramentorum res & verba in Sacra Scriptura tradi.*
4. *Esse, Sacramenta Legis Nouæ ac veteris in ratione Signi uniuoce conueniant, non tamen in numero & virtute.*
5. *Cuius Sacramento Legis Nouæ suus correspondet effectus ab alijs distinctus.*
6. *Ex Sacramentis Legis Nouæ, alia alijs sunt præstantiora.*

CONCLUSIO VI.

Ex Sacramentis Nouæ Legis. Baptismus, Pænitentia, Ordo, & Eucharistia, sunt ad salutem hominibus simpliciter necessaria: Cætera quoad melius.

COROLLARIA.

1. *In Sacramenta prædicta quatuor, cadit necessitas simpliciter, non tamen eodem modo.*
2. *In Statu innocentie retento nulla fuissent Sacramenta.*
3. *In Lege Nova Matrimonium Sacramentis est connumeratum.*
4. *Confirmatio, Matrimonium, & Extrema unctio non possunt dici superflua.*
5. *Eucharistie sumptio secundum rem est necessaria necessitate Præcepti.*
6. *Dei misericordia sufficientissimè providit Saluti humane temporali & æterna per Sacramenta.*

Sacramenta foris percipimus vt
intus Sancti Spiritus gratiâ reple-
amur. D. Gregorius. Sup. 1. Reg.

Sub felicibus auspicijs

Magnifici & Admodum Rñdi Domini

M. ADAMI OPATOVII

S. Th. Doctoris ac Professoris. Canonici Cra-
couiensis. Almæ Academiæ Cracouien.

Vigilantissimi **RECTORIS.**



UNIVERSITATIS CRACOVIAE



JAGELLONICA

M
2
0

